

# ERA DE MAGGIO

*Cantata da Franco Battiato*



Era de maggio, e te cadeono 'nzino  
a schiocche a schiocche li ccerase rosse...  
Fresca era ll'aria e tutto lu ciardino  
addurava de rose a ciente passe.  
Era de maggio - io, no, nun me ne scordo -  
'na canzone contàvemo a ddoie voce:  
cchiù tiempe passa e cchiù me n'allicordo  
fresca era ll'aria e la canzone doce.  
E diceva: "Core, core!  
Core mio luntano vaie:  
tu me lasse e io conto l'ore  
chi sa quanno turnarraie!"  
Rispunnev'io: "Turnarraggio  
quanno tornano li rose  
si stu sciore torna a maggio  
pure a maggio io stonco ccà".  
E sò turnato, e mò, comm'a na vota,  
cantammo nzieme lu mutivo antico;  
passa lu tiempo e lu munno s'avota,  
ma ammore vero, no, nun vota vico.  
De te, bellezza mia, m'annammuraie,  
si t'allicorde, nnanze a la funtana:  
l'acqua llà dinto nun se secca maie  
e ferita d'ammore nun se sana.  
Nun se sana; ca sanata  
si se fosse, gioja mia,  
mmiezo a st'aria mbarzamata  
a guardarte io nun starria!  
E te dico: - Core core!  
core mio, turnato io sò  
torna maggio e torna ammore,  
fa de me chello che vuò!